

A2^r

Dem Ehrnueften/
Erbarn vnd Weifen HErrn/ Hans
Harrern/ Churfürftlichem Sechsfichen Kam-
mermeifter/ meinem gũnftigen lieben HErr-
ren Geuattern/ Nachbar vnd
gutem Freunde.
Gottes Gnade/ Fried
vnd Segen durch Jhesum
Chriftum vnfern einigen Hey-
land/ wũnfche ich euch vnd den
ewren von hertzen. Gũntiger
lieber HErr Kammermeifter/ ich habe etliche
wochen her in diefer trawerzeit die Klaglieder
des Propheten Jeremie für mich genommen/
vnd nach meiner gabe ausgelegt/ darneben auch
diese Schrifft verfertiget/ zum vnterricht vnd
troft der einfeltigen/ zu diefer zeit/ darin vns
Gott faft in gantzem Deutſchland mit ſchwerer
Peftilentz heimfuchet/ vnd gibt vns auff manch-
erley weis feinen zorn zuerkennen/ das wir je
nicht leugnen können/ das wir in groffer gefahr
find. Gott fey vns gnedig/ vnd regiere vnd
leite vns mit feinem Geift zu rechter bekerung.

A ij Es

A2^v

Es ift in der Kirchen vberal ein gros we-
 len/ ergernis vnd vnruhe. Die Papiften feyren
 nicht/ die Sacramentierer noch viel weniger/ vn̄
 greiffen trawn dem Herrn Chrifto tieff in fei-
 nen Augapffel. So find wir/ wie wir find/ das
 wol beffer tōchte. Im Weltregiement gehet es
 ja feltzam zu/ vnd ift gewis zubeforgen/ Gott
 werde mit dem Türcken ein neue Reformation
 ftellen/ wil jetzt nichts mehr fagen/ denn es gehet
 doch wie der Prophet Amos fagt: Es ift ein bö
 fe zeit/ das auch ein weifer Man musstill fchwei-
 gen. So find in gemeinem leben bey groffen
 vnd kleinen fo viel verechter Gottes Worts/
 Gottslechterer/ Epicurer/ vnd wūfte wilde leut/
 das vber alle maffen ift.

Darumb ifts gar kein wunder/ das Gott
 ftrafft/ vnd feinen zorn ein wenig fehen left/ wer
 weis/ wie es noch in kurtzer zeit ergehen wird/
 das es aber folt wolgehē/ das ift ein vnmöglich
 ding/ es were denn Gottes Wort falch/ welchs
 auch ein vnmöglich ding ift. Wir wollē betrogē/
 verfüret/ geltrafft vnd verworffen fein/ Der
 HErr Chriftus komme mit feim jüngften tage/
 vnd mache es doch ein end/ Es ift zeit/ das der
 HERR darzu thu/ Pfal. 119.

Wir wiffen für Gott auff erden keinen rath/
 noch

A3^r

noch troft mehr/ denn das wir klagen / vnnd be-
ten/ HERR/ verwirff mich nicht inn meinem
alter/ verlas mich nicht/ wenn ich ſchwach wer-
de/ bis ich deinen Arm verkündige den Kindes-
kindern/ vnd deine krafft denen/ die noch kom-
men ſollen. Darauff denn der herrliche troft
vnd die gewaltige verheiffung gehöret/ Ja/ Jch
wil euch tragen bis ins alter/ vnd bis jhr grow
werdet/ Jch wil es thun/ Jch wil euch heben vnd
tragen vñ erretten/ Eſa. 46. Jtem/ Jch wil euch
Waifen nicht laffen/ Johan. 14.

Mit dieſen vnd dergleichen verheiffungen
mögen wir vns tröſten/ vnd auffhalten/ vnnd
die Welt laffen Welt ſein/ bis der Son Gottes
vnſer trewer Heyland Jheſus Chriſtus kôm-
met/ vnd beweifet ſeine krafft vnd allmacht für
aller Welt/ wieder alle ſeine Feinde vnd falſchē
Freunde/ die jhn jetzt ſeiner allmacht berauben
wollen/ Amen. das es ja bald geſchehe/ Amen.
Weil ich aber gebeten bin worden/ vnnd
zwar folchs auch ſelbs im ſinne gehabt/ dieſe
Schrift in Druck zugeben/ vielen Chriſten jtzi-
ger zeit zum vnterricht/ vnd zum troft/ ſo habe
ich E. E. dazu erkorn/ euch damit zugegeben/
vnd mein danckbar gemüt gegen ewren woltha-
ten ein wenig zu erzeigen. Verhoffe auch/ es ſol
A iij eben

A3^v

eben dieses Büchlein euch/ vnnd ewer lieben
Hausfrawen/ vnd andern Chriſten nicht vn-
angemen noch vndienſtlich fein/ iſt auch mein
bitte/ jr wollets euch gũntiglich gefallen laſſen/
vnd jetziger zeit daffelb ewer gelegenheit nach/
brauchen/ die wir alle arme Leut find/ vnnd des
ftündleins teglich/ ja alle augenblick gewertig
fein müſſen.

Wiewol ich aber in meinem Pfalterbuch den
Ein vnd Neunzigſten Pfalm Dauids erkleret
habe/ ſo habe ich jn doch allhie zweymal wider-
holet/ vnd auff ein newes ausgelegt/ mir vnnd
andern zum beſſern vnterricht/ ſonderlich weil
ich die auslegung des Ehrwürdigen HERRn/
Veit Dietrichs Gottfeligen/ vberkame/ die er
auch in Sterbsleufften vor zwentzig Jaren zu
Nürnberg geſchrieben hat/ daraus ich ein ſon-
derliche anleitung bekame/ zu rechter Lere/ ſo ein
jeder aus gemeltem Pfalm nemen vnnd faſſen
kan/ wie ich dann inn kurtzen Fragtücken an-
gezeigt habe.

Dem ewigen gũtigen Gott ſey lob vnnd
danck für das helle liecht des Euangelij/ vnnd
regiere vns/ das wir doch folchs erkennen/ vnd
darnach vnſer leben anſtellen. Derfelbige gũ-
tige

A4^r

tige Gott wol auch euch vnd die ewren/ vnnd
vns alle mit vnfern Weibern vnnd Kinderlein
gnediglich für allem vbel behüten/ vnnd feinen
zorn vmb feines Sons willen von vns abwen-
den/ vnd friedfame zeit geben vnd erhalten/ vnd
dem leidigen Satan wehren/ das er weder mit
Peftilentz/ noch mit blutergieffen/ noch andern
wiederwertigkeiten/ fein trotzigem gifftigen
mut an vns auslassen vnnd külen könne/
Amen. Gefchrieben zu Drefen/ den 19.

Octobris/ 1564.

E. Ehreueft.

dienftwilliger

Nicolaus

Selnecker.